



1826

1530

Broj: 05.334-4256-1/19
Sarajevo, 27.06.2019.

SKUPŠTINA KANTONA SARAJEVO
N/R PREDSDJEDAVAJUĆI
Elmedin Konaković



Predmet: Odgovor na zastupničko pitanje (Veza Vaš akt: 01-05-23146-2/19 od 19.06)

Poštovani,

JU Zavod za javno zdravstvo ne vrši monitoring zagađenosti vode, tla i zraka na deponiji Smiljevići, te okolnim naseljima. Te analize za potrebe KJKP „Rad“ d.o.o. Sarajevo radi firma Dvokut pro d.o.o. Sarajevo u čije rezultate ispitivanja zvanično nemamo uvid.

Zavod je do sada, samo prema prijavi nadležnih institucija i građana ili po saznanjima iz medija, izlazio na teren. Posljednji takav slučaj desio se krajem 2016.g. Naš stručni tim je, po saznanju iz medija i telefonskim žalbama građana na nesnosan smrad koji dolazi sa deponije, kao i navodima da su zdravstveno ugroženi, izašao na teren 03.11.2016.g. Od strane građana koji žive u neposrednoj blizini deponije rečeno nam je da se unazad nekoliko mjeseci intenzivirao neprijatan miris, koji, u pojedinim trenucima (ljeti) bude nesnošljiv i to je bio glavni uzrok žalbe građana (u to vrijeme još uvijek su bila aktivna otkopavanja koja je naložio VSTV). Obilazak je istog dana izvršen i u područnoj ambulanti Sokolje, odakle je dobijena informacija da nije zabilježen povećan broj pacijenata sa simptomima koji bi se mogli dovesti u vezu sa navedenim problemom. Također je naloženo da se, ukoliko dođe do povećanog broja takvih pacijenata izvrši prijava prema Zavodu, što se nikada nije dogodilo.

Rizik po zdravlje stanovnika koji žive u neposrednoj blizini deponije stalno je prisutan i samo postupanje prema strogim sanitarnim kriterijima on može biti sveden na minimum. Također i radnici na deponiji, kao i oni koji su u neposrednom kontaktu sa otpadnim tvarima bilo koje vrste, pod rizikom su od uticaja štetnih materija na zdravlje, međutim, naša pretpostavka je da su oni pod zdravstvenim nadzorom nadležnog ljekara i zdravstvene službe preduzeća koje upravlja deponijom.

JU Zavod za javno zdravstvo Kantona Sarajevo u okviru svoje djelatnosti i propisima prikuplja, evaluira i komparira sve relevantne podatke o zdravstvenom stanju stanovništva. U okviru zakonom propisane djelatnosti i dostupnih podataka analiza pojave bolesti prema geografskoj distribuciji prijavljenih oboljenja, za sada, nije moguća.

Da bi se provela kvalitetna retrospektivna kohortna studija, kada gledamo unazad, među izloženim i neizloženim ko je razvio ishod od interesa, u istraživanje potrebno je



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: gzavod@bih.net.ba



uključiti više elemenata u izradu studije, odnosno potrebno je multidisciplinarno pristupiti ovoj problematici. J.U. Zavod za javno zdravstvo Kantona Sarajevo stoji na raspolaganju u okviru svoje, zakonom propisane djelatnosti. Međutim, limitirani smo u materijalnim i kadrovskim resursima, te stoga predlažemo da se u rješavanje problema uključe i:

JU Dom zdravlja Sarajevo koji bi ustupili podatke (prijave oboljenja i stanja koje se mogu dovesti u vezu ili kao direktan uzrok od same deponije i izrada anketnog upitnika za faktore rizika);

Ministarstvo prostornog uređenja, građenja i zaštite okoliša Kantona Sarajevo sa dozvolom za izmještanje mobilne stanice za mjerenje polutanata u zraku i postavljanje na kritična mjesta u naseljima;

Lokalna zajednica koja će obezbjediti prostor i električnu energiju za nesmetana mjerenja polutanata;

Laboratorije za mjerenje polutantata u tlu i otpadnim vodama (Zavod za javno zdravstvo akreditiran je samo za analizu vode za piće);

I ostale relevantne institucije koje mogu pomoći u provođenju jednog kvalitetnog istraživanja (JKP Rad, Prirodno-matematički fakultet, Poljoprivredno-prehrambeni fakultet Univerziteta u Sarajevu...)

Ovu priliku bismo iskoristili da damo prijedlog da se sve gore navedeno postavi u formu zajedničkog Projekta koji bi u konačnici dao realnu sliku stanja i stručne preporuke za dalje smjernice i smanjenje rizika po zdravlje stanovnika.

Dokument izradili:

Prim.dr.sci. Aida Pitić,
Specijalista epidemiolog

Dr. Zlatan Hamza,
Specijalista zdravstvene ekologije i higijene

S poštovanjem,



Prof.dr.med.sci. Aida Pilav

Dostaviti:

- Naslovu,
- Arhiva RJ01, RJ03